

沈乃文 主編

明別集叢刊 第五輯

第十一冊

黃山書社



国家出版基金项目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第十一冊

黃山書社



(明)周同谷 著 丁祖蔭 撰校記

霜猿集四卷

民國五年常熟丁氏刻虞山叢刻本

霜猿集序

殷之亡也朝宗與麥秀之歌周之衰也行役起黍離之歎楚若王臣不返沅湘之悼何深公子無歸虞夏之懷彌篤詩賦而編甲子採菊完柴桑之節肅罷而操廣陵鼓琴寄中散之思此數君子者皆值宗國之淪亡遇故都之傾覆銜哀結怨鬱為詩歌者也屬當明季喪亂滋多乃聖乃神四海抱沈淵之痛吾君吾后千秋餘靖國之香此開闢未有之變聞誠書契所無之創事天產哲人賦才獨異文章軼駕於南華疑莊生之再見風雅追踰於西楚信屈子之復來爰讀霜猿之四卷如聽月峽之三聲其志切其音哀其志切故字字發乎深情其音哀故言言可以長慟方之少陵詩史彼畧而此詳比之尼父麟書貶多而褒少名聞弱質相府小星際此天傾地陷赤伏無再驗之符遠爾家破人離素鏡絕重圓之照樓名燕子與燕偕棲院鎖梨花比

霜序

一虞山巖刻

花更在爰乃黃袍入道素簡朝真初上蒲團即悟三生之果不登法席焉知眾妙之玄倚碧窗而吹笙鼓瑟青鳥來庭入丹山而藝草尋芝白猿引路固將長謝紅塵安神雲岫何幸親承紫氣獲睹瑤篇本以忘身忘世之心又生悲國悲君之心微吟簫下淒淒風雨之忽臨高詠燈前冥冥鬼神之交泣嗚呼先帝后之陟降匪遙應鑒孤臣之至意家相國之精靈如在豈憎賤交之多言哉屬丙申時維八月廣陵女冠李倬綴笙道院空雲主靜軒中用裁斯攝

附錄李空雲女冠小傳

碧簪子撰

李倬號空雲金陵人也父官都司母則廣陵名妓也倬才貌雙絕年十六為史閣部道鄰筵至年二十五而遭國變相國殉難後倬誓不再嫁出家為女道士居廣陵綴笙道院修煉精微戒律嚴整咸南嶽魏元君下降授以丹訣後入王屋山

不知所終作此序時丙申年蓋三十五歲矣

野史氏曰留都之亡也有以名妓而為女冠者十王京是也桃花扇傳奇言李香君亦以女冠終尙未可深信獨空雲以閭部侍姬滄桑之後遁跡綴笙卒以仙去真奇女子哉

霜序

二虞山巖刻

霜猿集卷一

古虞周同谷鶴羅氏著

讀罷仙經不欲言鍊將神氣去朝元而今重話先皇事如叫湘山霜夜猿

亡國之音哀以思聞者不猶登湘山之麓聽霜夜之猿乎遂命之曰霜猿集

記得慈闈親口傳歲當戊午立秋前蚩尤旗在東方出天下兵戈五十年

谷生八齡先慈管孺人謂之曰吾少時見蚩尤旗見東方其光如月占者謂天下從此兵戈五十年吾眼不及見願兒不遇亂離爲幸易代之際先慈年五旬自戊午至今甲子一週矣

口銜君命出邊州虎穴何人可代遊汝是遼陽蕭子玉臨行一

霜一

二虞山叢刻

語至今羞

時內寇既逼上乃命使出塞講和有蕭子玉者遼陽素無賴人也請代元帥行遂銜命而至國朝太宗皇帝知其偽而不信接之以禮臨行乃嗤之曰汝是遼陽蕭子玉莫謂我不知也

蕭寧縣內泣牛衣一旦凌雲入紫微天子宮中呼伴伴八千女

鬼亂京畿

魏忠賢肅寧縣人縣有優人數輩思賢爲之負籠販則與其黨徒博忠賢博不勝怒指其具曰吾無錢以此與汝其人曰卽以此與我忠賢卽奪屠刀割與之有僧贈以金令入京爲閩人光宗晏駕後宮有謀匿太子者大臣惶懼忠賢知太子所在竊負之而出卽熹宗也太子既卽位賜名忠賢忠賢巧安善伺上意天子寵之呼爲魏伴伴忠賢由是怙寵弄權殺

士大夫之不附己者縋騎滿天下士林喪氣宗社以危先是隆萬時有八千女鬼亂京畿之讖則忠賢亦應氣運而生明

洪得新香透玉毫彩雲含露潤大桃黃昏內殿重重鎖昭帳春溫月未高

熹宗冲年踐祚內侍私製淫香以媚上方熟片炷則心蕩情會不能自持卽思枕席矣熹宗之不永年實緣於此

面白唇朱髻挽青引將夫婿拜王庭賜書尙與談忠義千里奔劉漢壽亭

召得宮官入九重描金朱台畫雙龍和糖蒸餅妃親暱手自寫毫署謹封

熹宗病大漸魏忠賢忌帝英毅謀欲鳩帝懿安后謂后曰婦戒皇叔莫得食宮中物后乃從母家取蒸餅以進手自署封

霜一

二虞山叢刻

長庚畫見日西沈魏監陰謀召外兵幸得乾兒崔司馬一時戰慄無聲

熹宗疾大漸忠賢欲召外兵行廢立之事時太白屢經天忠賢與兵部尙書崔呈秀謀之呈秀懼而色變寒慄不能發聲

忠賢歎曰汝爲本兵大事在汝掌握今如此已矣

檀香粉餅玉酥蟬新泡吳茶是兩前半日兩宮交細語都來只爲魏忠賢

兩宮張太后周皇后也

宮妃進藥后先嘗大事親聞屬信王我願汝爲堯舜主不禁承旨各悲傷

熹宗疾離漸未有明旨傳國后恐忠賢行鴆每進藥后必親嘗忠賢休沐后乘間問曰陛下萬一不諱大事如何帝曰定屬信王后問欲召王否帝首肯后卽命黃門速召信王入王

拜牀前帝曰我願汝爲堯舜之主王叩頭泣對曰陛下言及此臣該萬死後日聖意已定可宣布中外於是人心皆歸信王忠賢不敢有異議
哭喚哥兒恨鬱忽自言調護盡成空大行胎髮靈前置黃帕盛來下梓宮

奉聖夫人客氏自以爲帝入母之一與忠賢狼狽成奸如同夫婦帝崩猶哭帝爲哥兒今上聞之怒有旨逐出禁中時大行方殯客氏至靈前再拜痛哭手探懷中指爪胎髮以黃帕盛之送入梓宮又再拜痛哭而去

玉漏將沈月轉廊官家猶是理封章宮中寒夜多承值重熱熏籠百合香

上卽位勵精圖治每夜覽大臣封章雖嚴寒不徹宮人苦於承值重熱淫香

霜一

三虞山叢刻

碧瓦凝霜蠟炬紅百和香爐御鑪空可憐誤盡先皇帝愁聽西園玉樹風

上聞香欲寐連夜方覺之呼羣閣責曰先皇帝卽世皆爲奴輩所誤復欲誤朕耶閣叩頭稱萬死西園憲宗停梓宮處也

天子宮中肆六韜紅妝小隊舞蠻刀一聞礮火心驚戰昨日言官諫內操

上卽位罷內操軍士悉遣歸田里芙蓉新紫闥樞蒲眾裏西宮體態殊行近紫微光耀日碧雲冠

西宮田貴妃所居上水精珠

玉皇西狩下天都縱使霜猿鬬赤烏賽過五紅驚一座戊辰元旦受嵩呼霜猿指李自成赤烏指明朝

崇禎元年戊辰王月上日天子御正殿受朝賀李自成未爲

賊在米脂山中會飲擲骰賭酒一人得五紅爲勝自成奪衆謂衆曰吾當得六紅汝等呼我爲皇帝一舉手果得六紅自成奮臂曰汝等拜我皇帝羣不逞俱被酒爭下階叩頭稱皇帝萬歲自成因此自負潛懷不軌之志

千羣鐵馬射金鏐沙暗皇城畫掩旗獨選淨軍得四萬一時授甲盡登陣

啟禎之間京師淨身男子有四萬名曰淨軍一旦有警登陣皆皆淨軍也

花生王露柳生煙坐覽軍書上未眠夜半月斜殿影黑黃封猶降鳳池宣

上以賊禍披猖中夜坐覽軍書更籌三唱中官猶齎黃封至內閣閣臣聞旨下驚起方知上在宮中未寢因爲之悚然

君王習射御溝西五色旌麾高下齊三發大黃穿七札楚猿若見必須啼

上以內外多難不自暇逸嘗與諸勳戚習射御溝上小黃酒執五方旗上發矢中的以旗爲節中官叩頭賀上每發多賜百穿札之勇誠英主也

官聞烽火照甘泉武帝親征自待邊嘗挽角弓騎苑馬黃龍王股石頭懸

上嘗騎名馬挽弓馳射又以黃繩懸大石殿內手自舉之有漢武自將待邊之意

蕃將邊庭建績多全軍入衛枕橫戈午朝勅賜城東饌內使催頒熱雉河

昔抱瑤琴事上眞偶過天闕下懸輪玉絃本是平情物豈若昭陽歌舞人

詠田妃也妃雅善鼓琴

霜一

四虞山叢刻

花爲容貌王爲牀白日承恩卻收三寸繡金縷織延儒恭進字單行

上書恭進上妃見妃綢鞋精巧舉而視之有細書一行曰臣周廷儒恭進上不悅而罷絲是薄延儒

素琴排罷換朱絃指上宮商母氏傳急遣黃門宣入內水精簾下鼓朝天

記善鼓琴上妃爲琴師所授問之妃曰妾之母所教上遣黃門召入賜坐鼓琴母叩頭坐水精簾下鼓朝天引一曲琴聲和婉尤善於妃上大悅

團圓執扇掩新秋帝寵雖移后寵優蜀錦吳綾每賜得牙牌不到玉階頭

秋扇遇秋比袁妃之失寵蜀錦吳綾后所賜也牙牌者上每日御坐中官跪抱牙牌置上前上擊一牌中官卽傳牌至宮

霜一

五虞山藏刻

宮妃嚴妝候駕上不幸妃宮故牙牌不到玉階也 牌上俱鐫宮名

春到坤寧雨露濃曉寒猶透繡衣重拜來皇后親扶御坐賜龍團茶二鍾

袁妃朝見坤寧后以妃無寵心憐之中官奏妃來朝后卽命段妃拜后親扶起命坐賜茶極其優禮焉

月隱新輝玉露零夜深涼氣入秋庭空中一點流螢處疑是飛來織女星

七夕宮中設宴不召袁妃

坤寧簾幕日曠曠立殺田妃殿角東近午宮娥成對出雕金龍椅坐當中

田妃朝見坤寧宮人傳奏后故治他事不卽見移時開內殿傳呼后盛服出坐雕金龍椅受妃朝禮戲而退不命坐不賜

六

風流豈減漢昭儀鼓瑟吹笙事事宜長日永和歌舞後湘簾底下坐彈棋

永和田妃宮名初名永安在東二長街之東妃鼓琴之外兼工絲竹每當風日晴美鼓琴飲笙上極賞之當日裂石穿雲

當非虛語尤精於弈每與上弈輒負三四子未嘗盡其技也銀片鱗魚綠玉盤君王悄悄獨憑欄情知昨夜西宮事淚滴花前翠袖寒

田妃以后待已薄竊訴之帝帝頗懷怒宮中最重鱗魚至必設宴帝獨憑欄不語后知西宮昨夜必有所言不歡而罷

金母凝神鍊玉鑪東皇邀去赴蓬壺天風吹落雲垂地十二宮人下手扶

帝邀后後苑賞花田妃亦召至后頗莊帝滋不悅妃亦意輕

霜一

六虞山藏刻

后后讓妃而訴之帝帝故若不聞后故近帝言帝素勇以手麾后令去后反走而仆坤寧宮人十二同扶后起

閨花靈雨敗花風富貴原來誤妾躬不記昔年信耶內危疑百事兩入同

宮人扶后起后哭曰陛下不念爲信王時魏忠賢用事日夜懷憂惟陛下與妾兩人今日作皇帝富貴遂乃作興化人耶

妾死何難中官及宮人俱叩頭請后還宮后還坤寧和衣卧起廢餐殮御柳鶯啼盡掩門此日忽垂新雨露中官銜

旨賜貂裘

上在謹身殿念后同處患難轉輾不安召坤寧宮人問后起居后三日不食矣上惻然命宮人以貂裘賜后致殷勤之意

又命田妃修省宮人傳旨后強起謝爲之一餐

古虞周司谷鶴臚氏著

曉鏡清光映玉新
駭驚人處是花鈴
好教修省無些事
且展風詩詠小星

田妃言天子教我修省
我自反無些事不服過也
展風詩詠小星之章曰
寔命不同安於命也

培終楚盡角門開
曉院迴廊半是苔
獨有楊花知寂寞
無風簾外自飛來

上兩月不幸西宮故殿門開角門開耳

銜欄東畔日將斜
那得行來小監家
報到中宮有懿旨
特宣妃子去看花

上苑牡丹花盛上
與后開宴賞花袁妃與諸後宮從焉后語
帝曰花容甚好何不並召田妃上大喜命小黃門以中宮懿

霜二

一虞山叢刻

旨召妃

萬種離愁一見歡
多多細語問平安
更籌三下停歌曲
王仗穿花展影團

妃聞召即至見於花下
禮畢再問平安后以和顏接之更籌
三唱方罷宴后啟帝今夜可幸西宮后獨攝仗還坤寧

玉照春靜露華寒
百寶燈前夜未闌
曲柄琵琶金縷字
清商側倚內家尊

上在玉照宮命梨園子弟奏水嬉過錦諸伎小內家抱鏡金
曲柄琵琶係于闥闥所進者彈清商側調音韻鏗鏘是時邊

關雖險內地安全上猶得從容為樂爾
吳紗黏汗貼香肌
侍駕看花苑裏歸
聖諭六宮行節儉
入班解去畫羅衣

宮漏頻移蟬暗鳴
隔房猶聽剪刀聲
日間相戒無多語
只恐君

王侍清行

上在宮中多微行有肅皇帝之風

君王才武氣飄飄
草軟沙乾上馬調
錦繡黃纓金匣匣
一鞭飛過御溝橋

上多勇能於馬上運二十劍器
牡丹花發賞花忙
遍地春風滿院芳
多少深紅并淺紫
正中一簇御袍黃

該門校氣微斜
曉未得恩頒似淨軍
將曉角聲催上馬
前旌已入海西雲

祖大壽以邊兵入衛京師戶部未即發糧而登陴者皆淨軍
其大瑞日領宮中賞賜日皇爺賞你守城辛苦有頃則曰此

是娘娘賞要你用
心守城太后娘娘亦有賞某宮娘娘亦有賞
祖兵在城下心頗不平瑞又指斥其罪一時上馬吹角偃

霜二

二虞山叢刻

大壽北還大壽以敵方深入不敢歸軍吏至帳前呼曰請
絕翁早早上馬大壽不能違眾上馬快快去

紫塞鴻飛玉殿寒
宮袍暫換素衣冠
天顏盡日長悽悽
御膳師第一壇

日上遼天海霧噴
九壇御祭哭忠魂
為臣縱死封疆事
萬古難酬一揖恩

松山之敗十三萬禁軍無一人反者上以督臣必死於義故
賜祭九壇上御素服望空長揖哀慟不已嗚呼將軍死後因

是恆事何敢當君父之殊禮若此
松山戰骨未全枯
再建功名佩虎符
終是風沙容易老
白頭南渡入招徠

此首罪洪承疇之不能死又竭力覆明宗社也
其雲朝罷瑞煙收
白玉階前獨自遊
氣數已成無可改
王天鼓

樂送青牛

上以冠冕日迫特召江西張真人建醮乾清宮上齋戒嚴潔
一夜夢獨遊空中無數精靈皆來朝謁仰視城闕嵯峨既至
則街級欄檻皆白玉所成上乃驚曰此上帝之居也即俯伏
具奏遙聞殿上如嬰兒笑曰此氣數使然非卿之罪有仙官
呈冠霞服扶上起送出天門外問鼓樂紛然一童子騎青牛
武士荷擔若人間冊籍者數十人上驚寤明旦召張真人告
以夢真人奏曰陛下建醮而夢見上帝必有景福之祚矣
中原糜爛燕巢林塞外窺知賊禍深朝報一封偷出界換歸五
十裏蹄金

恩光欲照黃龍府只爲西征賴將才禮部尙書初逐去勿欺小
札又封來

禮部尙書顧錫嘯力詆楊嗣昌上怒奪職關寧道蔡懋德致

霜二

虞山叢書

書嗣昌僞言不可題曰勿欺小札

新來豔質可憐身縹緲留看別作春再召東山爲國計畫歸

鼓閣江津

洞庭山富家娶婦少而美夫死婦獨居一日聞街頭鼓樂聲
謂侍兒曰誰家娶親耶試往觀之遂出門坐花轎中下太湖
去富家訟之縣縣申道下徹緝捕甚急娶親者憚事洩以其
婦盛妝送宜興大見寵悅詩曰新來豔質可憐身縹緲留看
別作春指其事也太倉張溥爲門戶計鳩金二十萬路要津
宜興得再召然無行意曰不如在家樂溥乃見張道臺令以
殊單捕婦而語侵相溥見宜興出單於袖中宜興大怒溥
曰此小事不足怒公今高卧不起將來更有大於此者宜興
恍然謂溥曰非公吾見不及此遂行坐樓船樹大纛繫上橫
東山再召四字祭賽江神酣飲彌月不知天子召已蓋爲國

家大計也詩曰再召東山爲國計畫船應鼓閣江津深覆之
也

婁東月旦品時賢社諸門生有七千天子徒勢分座主兩闕名
姓已成編

婁東張庶常博舉復社依附東林一時奔競者多歸之門生
有七千人焉春秋兩闕天子徒然分遣座主而就元執魁執
先孰後庶常已編定無遺人矣座主房師非門下士卽東林
黨人待庶常以揭榜大爲孤寒之患重生府錄一名值銀一
百二十兩皆爲黨人壅塞也

二冊書成註復則莫防燈下鬼神環面第夫子鄧都主生死榮
枯一筆間

太倉張溥創舉復社別號西銘其門人有七千稱爲西銘夫
子廷儒再召溥欲盡用其黨人而殺異己者書二冊以進廷

霜二

虞山叢書

儒秘而藏之

月墮西江歌舞閣中原一片血流丹故人昨夜魂遊岱相國方
言好作官

延儒泊舟江汊終宵宴飲是時賊禍糜爛中原極矣忽謂其

門下客曰吾離家四十日已得二十萬足以樂我半生我不
赴京矣客曰皇上待公如飢渴此豈公高卧時耶張西銘計

音至延儒驚起曰天如奈何連死既而曰天如死吾方好作
官客曰庶常吾道干城公何爲出此言延儒乃出二冊以沐

客曰此皆天如所欲殺之人也我如何能殺盡溥還婁東一
夕暴死亦天意也溥死無後

畫簾風細曲房深翠鬢雲盤插繡城冰藕玉絳綵扇式描完龍
鳳待納金

尙方履歲費四百金后於內政之暇爲上製履省四百金助

邊餉其履盡去繁飾只用金綫綃成龍鳳太監出宮見婦事
報曰我們娘娘勤苦每日爲皇帝爺製履

五更燈火走宮官大駕來朝嫂嫂安后在帷中答拜起玉階仙
仗已同燃

上每歲正月元旦先朝懿安太后上四拜后在帷中答三拜
晨光未啟簾幕深垂各不相見聖朝家法之嚴如此

憂勞心事啟天知麗唱傳聲拜起還咒詛聖躬三十遍我皇體
伏未與時

上南郊行禮一俯一興聖躬私持大悲咒五六遍至九獻完
伏地默禱咒完三十遍上猶未起也敬畏如此兩幸亡國天
道誠不可問歟

紫閣霜飛內侍寒賜他先睡聖恩寬金鈎一響蓮燈暗齊出朝
囊舉首看

霜二

五虞山叢刻

內侍直宿殿庭每人持一貂裘卧則入囊內上永夜覽章草
念諸侍苦寒賜令先睡上秉燭獨坐良久聞金鈎響內侍急
出囊視之上入帷中寢矣

洞簫吹徹集仙靈共喜君王正妙齡自報雉城摧陷後梨園樂
部一時停

上精於樂律初年退朝之暇每撫琴一弄或次洞簫度曲太
常楊玉尹爾巖舍人文某等同奉詔校正樂譜自海濱還深
杳然絕響矣

秋深葉碎玉池桐月轉金階霧氣濛偷出角門廊下立君玉
在燭光中

月轉金階則夜深矣宮人猶見君王在燭光之中則憂勤之
至也

蜀扇分宮歲萬千彩妝麟鳳色華鮮疊成一握泥金扇旋得開

來月樣圓

母村集宮扇一首似詠此事

靜院幽軒誦誦聲向東一座女先生小王公主俱承教伴讀宮
帳選校名

女先生唐書穆宗以若昭尤通練拜尙宮嗣若莘所職歷憲
穆敬三朝皆呼先生后妃與諸王公主以師禮見

問從何母問春秋知是三朝老部頭親見顯皇臨御日內所朝
望獻全牛

顯宗愛食牛脯以金鈎取之次食牛腰

霜二

六虞山叢刻

霜猿集卷三

古虞周同谷鶴驪氏舊

風流宰相去巡邊八座行來穩似船多少公侯伏下道向方寶劍靈旗前

上命延儒視師賜尚方劍曰自總兵官以下有不用命者斬之如朕親行延儒乘八座前呼後擁旌旗千里不絕歷代公侯與五營都督皆蟒玉伏下道總兵官披執從事

令前如飛驟六街退朝司馬動靈懷素來頃刻原飛去立限回京取紙牌

延儒奉命視師上親餞之御手捧炬者再既出都門百餘里一旗牌官持令箭飛馬回京大司馬方退朝遇之於道謂戎信孔通大懼鄰人驚疑相告既而知爲取紙牌諸弄具人尤備備慮其債事延儒在軍中日與諸狎客嬉戲置國政於不

霜三

二虞山叢刻

問

儼罷張燈翠殿頭金杯不解玉顏愁天家歌舞民家哭百萬王

師在涿州

宮中除夜上與后妃同宴樂甚后獨不悅上問之后對曰今夜佳節妾得侍陛下飲宴但思王師百萬俱在涿州涿州百姓豈得室家相聚乎上爲之泫然淚下

沿邊千里列烽臺十八將軍有戰才令到喜峰防卒去長生木主馬馳回

周延儒撤張國維喜峰之兵衛天壽山

前驅轟子聽城螺趙女燕姬出塞多上相班師還帝問金銀百萬馬騾駝

此指延儒受賄班師還京事

吏部茶箱王琢隨寄錢小事各分司一棺歸葬松陵後風雨樓

中幼女思

延儒再入相引其黨吳昌時爲吏部文選司賈官鬻爵職私百萬延儒既死上親鞠昌時受極刑斃昌時爲吏部時有疾各大僚問安入卧內有青鬟五人司茶皆絕妙姿也茶罷是羊脂玉琢成受以烏金盤從日本國來者雕刻精巧觀者動心昌時死後有二女皆殊色子名祖鎮痛心父難每思幹蠱而填海移山志終未遂遁跡膠州貢志以歿有一子瘵死獄中歸壻亭集中有吳職方傳即祖鎮也贊稽田

藏國遊圖步輦乘六宮遣使候居興同時詔赴櫻桃會可惜田妃病未能

藏國夫人先帝之外祖母新樂侯劉文炳之祖母年九十餘國亡投井而死

琵琶彈到古伊州嚴裏分明塞下秋露冷月高諸伎出君王自

霜三

二虞山叢刻

起看旄頭

辭命潛通密送貂願遵明誓息金鑄使君認作封侯約只患文龍不患邊

袁崇煥爲經略成說之曰二十年不交兵公封侯矣崇煥信之遂成誓約於是崇煥但圖文龍而視邊事爲可緩矣

閉卻中營鎖上銀曉風吹凍血未殷三千甲士同聲哭皮島仍爲虞鹿山

毛文龍開幕皮島屢獻軍功而糧道險遠銀於接濟議者謂文龍結納番夷多所要求漸有不臣之志袁崇煥爲經略

密旨令伺察文龍崇煥至海上檄文龍過海議事文龍從士三千渡海而西崇煥詣文龍營與之飲醉而宿焉文龍

爲經略待已之厚也從五十騎來謝崇煥開宴待之止五

宣旨文龍惶恐叩頭請經略上疏為已辨冤崇煥此左右
文龍以向方劍斬之大砲三舉而文龍之首擲階下矣次日
厚請其兵遣歸本鎮三千人痛哭而去繼文龍而受事者卒
伍爾才撫馭無法屬夷皆散而皮島仍為荒山矣
不辭霜露窮蓬背形成遼海中可怪滿朝無識見將為疑
事問眉公

考沿海全圖皮島正在遼後為奉制之要地故曰掛背形成
雲間陳繼儒者自號眉公王文肅公門下客也為文肅主
家事文肅譽之遂負一時之望毛文龍功罪舉朝以為疑全
陵錢龍錫被召入相以文龍諸繼儒繼儒曰毛文龍在皮島
歲費朝廷金錢百萬譬如人家一大鼠穴日多虛耗龍錫深
以為然故袁崇煥平臺召對日龍錫有造膝語蓋言毛文龍
也

霜三

三嘆山叢刻

主守差安主戰非自強一著得先機大臣少有擔當力揮霜
才世所希

此弔故經略少司馬熊廷弼也是時東林黨方盛廷弼不
入黨黨人恨之故廷弼主守王化貞則主戰非廷弼之性而
化貞之勇蓋為門戶爭體面也廷弼之意謂克敵莫如富
強先為不可勝以待敵之可勝此最上之策而同事者撓之
旁觀者撓之軍志日師克在和違事之失化貞與廷弼不和
也廷弼臨刑唱然曰朝廷留此漢子尚有用處而今已矣
金吾棍上血飛揚萬里長城徒自戕他日好隨丁令鶴歸來
看舊封疆

廷弼初為南京督學御史繩士于嚴曾拔周宗建遣前務
以小過責之宗建既為科臣受命鞠廷弼獄具杖三十廷弼
謂宗建曰我與汝有師生之誼何至於此宗建方術備極正

色而對曰今日之事君事也卒杖之故有金吾之句
玉窗想見笑言溫有氣如蘭近至尊今夕西園空殿內流螢幾
箇照黃昏

田妃體氣如蘭其所行坐處香燭時不絕
塵生玉几暗金微彷彿蘭房見畫衣方士慚無少君術曉風殘
月有魂歸

此詠上悼念田妃恨方士無少君之術徒使曉風殘月有魂
自歸而上不之見耳

越紆吳妙自剪髮曾隨靈鳥上三台身輕善舞如飛燕十斛明
珠買得來

上念田妃不置妃兄在吳門買歌姬陳圓圓者至京師將以
進御圓圓姿態非凡名傾吳下曾侍宴宜興故有三台之句
碧天無計覓飛塵與那得將身入帝居今上聖明不重色厭歌
日嘆山叢刻

霜三

日嘆山叢刻

舞愛觀書

田皇親以圓圓進上上以其青樓婦恐壞祖宗家法卻之每

日焚香讀書迨夜不輟

露滴秋花人暗聽刺闌中夜報關寧珠簾高捲秋河白天子當
階望歲星

失註

中原千里草無芽大火延燒數百家痛念民間易子食齋宮進
膳是蔬瓜

柏煙蘭霧接重霄仙樂紛紛勝九韶乍見日光臨殿角三宮六
院盡來朝

南都遷去北都沈威得君王怒最深欲究根源成大獄恐傷長
信獨居心

崇禎末年賊禍方烈糜爛五省而遼兵又每年入塞民間訛

言帝將南還傳入禁中懿安太后謂皇后曰外邊人多言則延儒勸皇叔南還延儒江南人圖自便耳祖宗陵寢俱在北方得免陸沈乎爲語皇叔延儒之言不可從也后亦素疾延儒乘間言之帝帝本無此意聞之大怒欲窮究其言恐傷太后心乃止

問臣天性最仁廉招撫何須劍戟將吏臺前聽號令中軍元帥誦華嚴

閩部楊嗣昌素奉佛法既出視師專意招降賊降者數十萬卽於附近安插未幾降者復反四面皆起王師如在重圍中矣嗣昌每日持誦華嚴謂此經可以消劫且見之章奏是豈身統六師爲天子討賊之人乎

尋拜寧南體統尊卑整教賜是覃恩將軍馬上能驅騶騶奔山河誓子孫

霜三

王虞山叢刻

左良玉少起軍校以斬級功官遼東都司劉錦州軍裝走昌平事軍門侯恂會大凌河圍急詔下昌平軍赴救榆林尤世威爲總兵官入見言良玉可將恂從之已而良玉戰松山杏山下皆捷遂授總兵官年三十二是時秦寇入豫良玉受詔討賊既至豫則賊帥一斗穀竭子塊滿天星等皆平最後賊懷慶與督師洪承疇意不合乃歎曰我卽盡賊安所見功乎遂陰縱之而寇患始大熊文燦繼爲督師嘗受賊金而脫其圍良玉意尤輕之楊嗣昌以閩部出視師方倚重良玉尤調而九不至嗣昌快快死丁啟藩代爲良玉調遣文書未嘗自出一令然是時良玉兵強大爲賊所畏賊知左兵所在輒棄金銀於道左兵取之賊按轡而行無追躡之患矣上命中官以銀兜鍪賜良玉良玉每日食一大豚其子夢庚庸才也良玉以家貲犒軍夢庚有客色良玉歎曰我家不能世有此事

矣故末句譏之
息甲潯陽脫戰袍腰懸侯印樹旌旄發喪痛哭成何事不合當年縱賊逃

崇禎十五年壬午良玉出兵與李自成戰朱仙鎮三日夜而敗良玉還軍襄陽朝廷以侯恂代丁啟藩良玉大喜遣其將金聲桓率兵五千迎恂既受命朝廷中變命距河援汴無趙良玉軍未幾恂得罪去以呂大器代良玉愠曰朝廷罪侯公而以呂公代是疑我而欲圖之也自此意遂離往來江楚爲自樹計盡取諸鹽船之在江者而掠其貨財又稱軍餉欲近南京就食移兵九江兵部尙書熊明遇大恐以語侯恂恂以書諭之而止朝廷不得已封良玉爲寧南侯以其子夢庚爲總兵官良玉卒不爲用十七年甲申三月得先帝凶聞良玉大哭曰爲臣子者不能盡力以致君父如此遂爲帝發喪王

霜三

王虞山叢刻

軍滿素乙酉弘光帝立馬士英阮大鍼等亂政良玉傳檄江南聲言入覲以清君側意在廢弘光帝而立楚世子至九江而卒

狼星迴照王孤潛主客交兵太白占天子撫髀思上將世臣何敢學韜鈴

上以王師屢敗文臣楊嗣昌等以書生誤國武臣左良玉等驕蹇不用命上每撫髀歎曰不如用我家世臣好世臣指開國功臣之後也按大明會典京軍無故立公侯門下者斬國朝用法嚴爲世臣者保有常祿爲幸豈敢講習韜鈴置身危疑之地乎 狼星賊寇之占天孤常指狼星天孤星移則賊勢張崇禎末年太白屢晝見

龍顏瘦削爲邊塵寧德歸來話苦辛兄妹相看幾行淚梨花千樹不知春

光宗生二女長寧德公主駙馬劉幼樂安公主駙馬鞏永固
俱先帝妹樂安早薨先帝寡兄弟待寧德尤厚屢被召入宮
及秦蜀失守中原寇深帝憂勞終日御容瘦損兄妹相見僅
敘愁苦而已十七年甲申三月之變寧德夫婦相攜避難民
間粉粧脂田盡爲芻家所奪妝樓舞榭俱易姓矣駙馬劉公
少年有玉人之號喪亂以後風姿頓改公主儲居村舍不免
飢寒杜少陵詩云侍婢賣珠還奉蘿補茅屋又云天寒翠袖
薄日暮倚修竹乃知皆實事也長平公主年十五殊一情
不死昇遐寧定府中寧德往顧之姑姪相持慟哭長公主思
念先帝后日夕涕泣成婚後未及期年而逝惟寧德夫婦至
今尙存無恙

霜三

虞山叢書

失註
葡萄滿架藥苗齊玉燕釵長首欲低捧卻小王池畔立戲拈金
豆打黃鸝
袍帶連呼祖降神丹輝拜伏口稱臣那知今日憂邊主卻奉先
朝靖難兵
上一日在內殿還呼袍帶曰祖爺降矣急下殿俯伏稱臣引
罪皆靖難時事也既而登殿解去袍帶就坐若不知有此事
者是以京師傳言今上是文皇再世誠可怪也

霜後集卷四

古虞周同谷鵲驪氏著

雙眉覆髮國亡秋便識離騷一段愁今夜細書亡國事淚點筆
下不能收
崇熙巨燄是居庸百二山河此要衝飛報官軍三十萬齊心爲
賊作前鋒

賊由太原進兵宣大監軍杜勛以三十餘萬眾降賊爲賊前
鋒

居庸關上列旌幢內府金銀賜百扛平日養兵皆養賊唐通又
報舉師降

唐通於十七年三月與劉澤清同被召澤清大掠而南惟通
以八千人入衛初九日平臺召見上慰勞殊甚命統兵二萬
守居庸關賊至通以軍降

霜四

虞山叢書

賊兵百萬漲昏埃鞞鼓驚天晚角哀聞報六宮皆掩面玉鑾日
暮出平臺

平臺上所常御處也

正陽門外鼓閣闕風捲黃沙賊控弦上御平臺商戰守紛紛進
說是南遷

皇上御平臺問戰守之策閣部諸大臣力請皇上南遷上曰
卿等平日各立門戶不肯爲朝廷出力所以至此君死社稷
禮也何多言各默然

月轉天街鼓二更小樓低唱度秦箏國公未返朱門閑徒見星
垣黑氣橫

皇上於十六夜微行至成國公府旁樓上尙有彈箏度曲
者內侍叩府門闕者辭以公爺赴宴未同上爲之長吁仰見
黑氣如旗自西而來入紫微垣結爲圓象直掠帝座上入宮

以語后歎曰天象如此我其殆乎后曰陛下十七年兢兢業業未嘗得罪上帝今日之事諒有天佑上坐而假寐

萬壽山頭草木繁昔年曾見翠華翻依然紫禁秋光內維爲先皇立寢園

十八日上登萬壽山召新樂伯崔駙馬至有所屬既而各罷去

授兵十萬上譙樓可是文皇靖難收只費賊勛三國語盡說漢內一時投

授兵十萬大半皆淨軍也杜勛既降賊射書城上却吾社勛也宣大二十萬人俱降爾等徒守何爲吾欲入城有所請急繼而上勛向諸瑞耳語良久守者皆投兵濠中喧呼爭下賊兵乘之而外城陷矣塘報十八日賊攻南面守城太監開彰義門迎賊入城

霜四

庚申歲

白家河畔草離迷萬戶煙深怨鳥啼悵望南雲無去路東風吹劍馬頻嘶

十九日上早起易服帶佩刀奪正陽門欲出守城瑞驛內變反駁拒擊上亦尋悔還至白家河覽舊四望容色慘然

城上懸燈賊入濠九門已獻六軍逃士民欲爲朝廷戰三百餘中不佩刀

上至白家河遙見城上懸白燈三原約爲內城既破之猶主知事不濟急還宮自外城破巡城御史等欲起民兵守城士民踴躍願赴議未定而杜勛黨已開門迎賊內城又告陷矣

瑤臺帝子正年輕雖出宮門道路生嘉定府前霜下立迢遙漢似紫金城

長公主方十五歲奉聖母命同宮人數十到嘉定府府中人

以門禁森嚴不便請鑰爲辭見天將曉仍歸大內空環運聲震若雷陵園十二盡成灰平臺召對何人對皇上無言獨哭同

十四日起復廢監曹化淳等是時一句日色無光天氣陰慘十八日忽發大雷而有如冰雹雷電交至人心益爲恐懼九門堅閉不通外便門盡行填塞曹化淳與杜勛密謀迎賊砲聲雖不絕屋瓦皆震究竟內外關通不入鉛彈惟有空響一人不傷仍麾手示意令賊稍卻然後點火遙見天壽山烈焰彌天享殿盡行燒燬自初十日外邊報緊急皇上終日召對諸輔并科道官竟日默無一言惟有涕泣相向而已得召對一次皇上必爲之慟哭還宮

霜四

庚申歲

先是內帑空虛措餉無策詔勅內官輸助諸閣門上俱駭此房急賣悉出玩物求售宮中壁間有書此處不留人物有留人處而去者數百人吁曾無大馬懸人主之情乎

情知一見即飄零兄弟分離母自經哭罷叮嚀無數語隨行再哭又叮嚀

十八日太子永定二王見上求欲入宮見后太子諸王入中宮必請命於上禮也上愴然悲曰而母子相見尙能得幾時猶須問我耶急命入見后撫太子二王慟哭叮嚀再三明日早間后卽自縊

社稷淪亡命亦指兩行珠淚盡君前聖明過守無晨戒安負聖恩十八年

上入宮見皇后日大事去矣汝爲天下母當死而慟哭由是事陛下十八年卒無一語見聽今日同死社稷亦復何恨上